

People plus

LEKEL LI SA AHMED AFIF?

En pti zonn ki lorizin son fanmiy se Maldivien. Me Ahmed in ganny ledikasyon e ekip plizyer pos enportan, enkli PS pour Finans isi Sesel, malgre sa i pe fer en bann keksoz ki anbaras son fanmiy e malgre in benefisyé ozordi li ek son fanm pe mank respe pour nou dirizan. Ou pa war kler Ahmed, pour war ki ou'n vremen benefisyé dan sa pei?

Ozordi Ahmed Afif in vin zonn pli arogan ki par deryer tou bann aktivite Lalyans. Letan ki Pat Pillay i bizi pe reponn kestyon son lavi degoutan, Ahmed ek Stella pe ensilte lepep e konmisi pa ase, son fanm in al lo facebook pour maltret nou Per Fondater Msye France Albert René pli ba ki later. Stella, fanm Ahmed in dekrir Msye René an servan bann mo ki vremen vilenn e vilger ki pou ofans lepep Seselwa, zis pour li siport son

mari Ahmed ek Lalyans Seselwa. I malere ki dan Lalyans nou war bann ansyen minis ki granmersi Msye René zot in vin bann bel bel dimoun e zot pa kapab anpes Ahmed ek Stella ensilte Msye René. Napa okenn siporter Lepep ki pou aksepté Lalyans fer en keksoz koumsa. Zot soutir Ahmed e les li fer sa ki i oule dan Lalyans.

Granmersi Msye René ki ti anmenn en lalit pour batir sa pei kot Ahmed ek Stella in benefisyé, e la ozordi zot maltret li an piblik san okenn remors.

Dir nou Ahmed aköz ou

ensolan ?

Akoz ou napa gratitid ? Oli ou valer moral ? Ki degre kontan larzan ki'n fors ou vir kont sistenm, ensilte e menm fer

lakizasyon ki pa kredib lo ou prosen ? Ki ou krwar ou pou gannnen ek Lalyans ? Zot en bann barik vid, egois, rankinnen, ki pe rod zis larzan. Ahmed pe pas son letan zis koz koripsyon e fer bann alegasyon kan i annan leskelet dan son larmwar.

Byento Ahmed pou rann kont en transfer aletranze. U rapel sa enn pour SFA?



James, Alix Michel



DAN LARI BAZAR



RAMADOSS I REKLANM SON 400,000 ROUPI

Sa maryaz ti vremen gro. Be sa ki ti pou mazi-nen ki Simonez ti'n pret plis ki 500 mil rounpi ek Sinwan e 400mil ek Ramadoss. I paret in rann sinwan son larzan apre ki zwer in menas li ek en bikaw. La i tour Ramadoss pou rod sa ki pour li. Bann text Ramadoss pa ganny reponn menm. Zafer i riske al fini ankour. Be tou sa bann letalaz manyer i apele? Pas partou pou pran larzan dimoun zis pour fer gran dyoz, apre zot oule maltret William kan zot pli pir ki li.

FINALMAN EN FIRST PTI MENN

Depi ler Pat Pillay in eksprim lentasyon pour met son kandidatir pour vin prezidan pei, bokou dimoun ti pe demande lekel ki pou vin First Pti menn. I'n annan bokou spekilasyon. En lepok ti pou en Malgas, apre nou'n tande ki ti pou en Kenyann e apre tou dimoun ti krwar ti pou Sri-Lanken. La finalman, dan dernyen intervyou YouTube nou'n ganny en lendikasyon ki se byen pa lot ki Miss RiffRalph ki riske ganny sa tit si zanmen Lalyans i ganny pou-vwar. I ti demann Pat Pillay pour pran li konman "Prima Donna" ki an italyen i vedir First Lady. Bondye, Bondye silvouple, beni nou pei.

MEMORABILIA LALYANS DAN POR

Pou tire pa pou tire? Sa i sa gro keston ki bann travayer por pe demande. I annan enpe letan en kontener pe asize dan por ek bokou materyo kanpanny ladan. I annan paviyon, lasyet, triko ek tas ki annan en portre en boug labarb lo la. Problem se ki sa kontener i lo non Dr. Ramadoss. Sa msye laba dan Lenn in donn en sel lord. I dir si sa parti ki fer li ganny repinyans i oule sa bann materyo fodre zot pey li 3 milyon rounpi. Problem bannla napa larzan e person pa konnen ki'n arive ek sa 12 milyon. Tou dimoun pe espere pou gete lekel ki pou al annas sa bez. Madanm Soundy in fini dir pa li.

ICUS I MOR AN NESANS

Ler parti ICUS ti lanse, zot ti prezant nou ek en program 100 an. Nou Seselwa dan sa pa tro idyo ti vitman apel sa parti, parti ICU dan Sesel. La i paret ki malgre swen entansif, sa

parti pa'n sirvi 100 zour e in fini mor. Vandredi swar nou'n tande ki son prezidan Joana in resign e ki Chadstone ki'n pran labar. Bokou dimoun pe demande be kimanyer Chadstone in vin prezidan parti kan ti napa eleksyon. Sa ki Seselwa pa realize se ki sa parti ti annan 3 manm. La ki Joanna in kite i reste 2. Alor se Chadstone ek Joseph ki'n vot Chadstone konman prezidan. Oli problemm?

LEKEL SA KAT MOUSKETER

Bann ki'n vwar sa senaryo alternativ i ancor pe koz lo la. 4 boug wadire Malgas ti'n debout obor Lorloz de Dimans pase e ti pe evok direksyon State House. Zis konman zot ti vwar sa Paster, zot ti disparet. Be ki pe arive ancor? I annan ki dir ki sa bann zwer Fader, i annan dot ki'n akiz Nwellie. Nou nou dir zot fer sa ki zot anvi, sa gro ros zot pa pou bouze.

PPB ON HOLD

Lalyans i dan gro problemm. Depi ler Ramadoss in ale apre ki son 12 milyon rounpi in disparet, person pa tro le donn Lalyans larzan. Bannla pe dir si en boug i vol bef, ki i pa pou fer? La sitiasyon in vremen sal. Tou dimoun in ganny demande pour rann loto lwe e person pa konnen manyer pour pey travayer lafen dimwan. Santer pankor ganny peye e bann ki'n fer PPB pankor ganny larzan. Komite ekzekitif ti'n deside semenn pase pour met PPB on hold. Malgre tou sa Lucy in dakor pour vin dir enn de mo lo kondisyon ki zot pey li lafen dimwan. I'n osi dir ki si i pa ganny son mwenz founa pou leve. Cameramen ti lo strike e Maryeta pe dir li i pa pou fer lavwa si i pa ganny son larzan. Konmsi Bakiki, sa Lalyans pros pour fermen.

AHMED I MALTRET RAMADOSS

Tou dimoun i konnen ki Ahmed ek Ramadoss pa manz disel. Ramadoss in deza dir ki li i kapab fer en power-point presentation lo Ahmed. Ler Lalyans ti formen, zot ti vin zanmi akoz toulede ti zis anvi tir prezidan Michel opouvwar. La ki kankan larzan in deklare antre zot, sa de boug in vin petrol ek dife. Ahmed in menm dir ki "Ramadoss is useless" e dekrir depar dokter konman "good riddance to bad rubbish". Zot dokter pa tann li sansan la ki nou ti pou annan lokipasyon lo sa zafer White Oaks.

KI SA MALADI LALYANSITIS?

Pat Pillay i dir ki Parti Lepep i per sa nouvo maladi ki apel Lalyansitis. I dir ki sa maladi i donn konstipasyon ek ladyare, vant fermal ek frison. En dokter nou'n koz avek i dir nou Pat Pillay pe konfize akoz ofet sa bann sentonm i dekrir en maladi ki apel Gay Bowel Syndrome. Wahahahahaha.

GIHAN I APARET

Gihan Fernando, sa zenn onm Sri Lanken ki Pat Pillay in abize in vin en kosmar pour Pat Pillay. De fwa in esey zwenn son abizer kot Tribinal Lanplwa me Pat Pillay pa ti vini. Nou konnen ki son konsyans i sarze. Semenn pase Pat Pillay ti'n tande ek sa ki i ti apel en sours byen enformen ki Gihan Fernando in kit pei. Zot Pat Pillay ti'n vin bay. I ti vitman mont lo YouTube pou dir ki in demann ek lapolis pour aret Gihan akoz i oule fer fas ek sa boug ankour. I ti azoute ki sa boug in ganny peye pour vin koz lalang lo li. La Lendi ler Pat Pillay in aprann ki son sours konm dabitid pa bon e ki Gihan i ancor dan pei, Pat Pillay i bag anba lili. Ni van ni nouvel. Son glob in pete. Pat Pillay sorti kot ou ete, vin fer fas ek Gihan. I pe rod ou, gran abizer.

SA KI'N PEYE POUR GIHAN VIN SESEL?

Sa keston i annan zis en larepons. Se lorganizasyon kont trafik imen e lorganizasyon bann travayer aletranze Sri-Lanka ki'n peye. Nou osi konnen ki lotel Dickman in fer en gran kontribisyon. Eski Pat Pillay i ancor rapel sa lotel e kwa ki pase laba? Dickman Hotel, Pat Pillay.

KANPANNY YOUTUBE

Tou larzan in fini ganny servi. Devan laport dimoun, zis lik lank ki zot tande. Lalyans nepli konnen manyer pou fer kanpanny. Alor Pat Pillay ki tre enpresyonen ek son prop performans lo YouTude in donn lord pou met tou son intervyou lo en CD e distribye ek Seselwa. I dir ki Seselwa i kontan riye alor zot pou apresye son ta komedi ki i fer dan sa bann intervyou. I'n obliye ki Seselwa i kontan travay e annan en lavi konfortab. Sa i fer nou rapel CD Radyo Freedom ki SNP ti distribye dernyen eleksyon apre ki zot ti'n koul tou larzan sponsor. Alors, dimoun pe demann ancor ki'n arive ek sa 12 milyon rounpi ?